



UNIVERSITÄTS-
BIBLIOTHEK
PADERBORN

**Assertiones Philosophicæ Fusius Deductæ Philosophiæ
Peripateticæ communioris Epitomen exhibentes**

Leuren, Peter

Coloniae Agrippinae, 1681

li [i.e. viii]. Veritas enuntiationis nequè in transcendentali, nequè in
prædicamentali consistit relatione.

[urn:nbn:de:hbz:466:1-71607](https://nbn-resolving.org/urn:nbn:de:hbz:466:1-71607)

in hoc: *Omnis actus bonus debet tendere in bonum*: id tantum verum est de actu prosecutionis, non de actu fugæ, hic enim potest tendere in malum averfando illud, & tamen esse bonus.

VIII. Veritas Enuntiationis non consistit in aliqua relatione transcendentali; quia Enuntiationi non est adæquatè intrinseca, ut mox dicetur. Aliud autem est dicere, cognitionem veram dicere relationem transcendentalem ad objectum, nimirum in quantum est objecti repræsentatio: aliud actum verum ut verum dicere, aut veritatem cognitionis esse talem relationem. Nequè est relatio strictè prædicamentalis; quia multarum cognitionum verarum objectum actu non existit, imò sæpe est ens rationis, & consequenter cùm veritas aliquarum Enuntiationem non consistat in relatione prædicamentali, nullarum veritas in ea consistit, & si essentia veritatis aliquando in tali relatione non consistat, nunquam in ea consistit, cùm essentia sint immutabiles, per quod tamen non negamus, aliquas cognitiones veras, utpote similes seu conformes suis objectis actu existentibus, secum trahere talem

D s

rela-

relationem sed negamus veritatem, quæ ut talis est similitudo cognitionis cum objecto, præscindendo an illud existat, nec ne; an sit reale, nec ne; consistere præcisè in relatione strictè prædicamentali, ad quam requiritur terminus actu existens & realis, adeoque dicendum veritatem reductivè tantùm spectare ad relationem prædicamentalem, vel esse relationem secundùm dici.

IX. Veritas (idem est de falsitate) est denominatio realis, actui partim intrinseca, partim extrinseca, desumpta ab entitate actus significata in recto, & ab objecto sic se habente, uti repræsentatur, significato in obliquo, ad eum fere modum, quo differemus de similitudine in Metaphysica; objecto enim sic se non habente, uti repræsentatur, perit formaliter similitudo seu conformitas actus cum eodem. Porrò si veritas esset actui adæquatè intrinseca, Angelus comprehendens essentiam suorum vel alienorum actuum, de futuris contingentibus, cognosceret futura contingentia libera. Licet itaque actui sit essentielle & adæquatè intrinsecum, utpote prædicatum transcendentaliter respectivum, esse objecti repræsentativum;